

Ech wëll hei net op weider Einzelheiten agoen, mä erlabt mer, e puer grouss Aktiounen ze erwähnen bei dénen mir, kurz no der Grënnung d'Responsabilitéit gedroën hun oder un dene mir massgeblech délgel hol hun:

- 1979 d'Quinzaine de l'Enfant am Internationale Joer vum Kand
- 1980 den éischten nationalkongress am Institut Pédagogique, wou demols fënnf Arbechtsgruppen en Aktiounsprogramm ausgeschafft hn, déi an engem "document de base" festgehale gouf
- 1981 d'Internationalt Joer vun de behënnerte Persounen

Erlabt mer och nach e puer Grodgedanken auszédreécken, déi sech aus eisen Haptorientatiounen a Konzepter ergin.

Eng Rei Définitiounen a Finalitéiten gouwen – en termes de valeurs – am Beräich Hemerzéiung, Sozialisatioun a Integratioun ënnert dem Slogan: "Vun der geschlossener Anstalt zum offenen Hem" nei geschriwen.

En integratiounsorientéiert Konzept huet zou enger méi starker Beréierung mat der sozialer Umwelt, zum ausbroch aus der Isolatioun an zou méi kannergerechten Mossnahmen gefouert.

De Stellewert vun der Elterenarbecht a – bedeleung huet sech no an no grondlegend verännert. Op déi ambulant Hëllef am Beräich vu spezifischen Problemgruppen gouf ëmmer méi stark zeréckgegraff an nei liewensno Erziehungsmodeller gouwen an der Hemerzéiung praktizéiert.

Ennert der Awirkung a Matwirkung vun der ANCE huet sech während dénen 20 Joer déi ënnere strukturelle Wandel bis zou dénen haut iwerwiegend familienähnlech geglidderden Hemer vollzun.

Et kann én och feststellen, dass d'Transparenz vun den Institutiounen opfälleg zougeholl huet.

Den Optrag vun der ANCE wor, ass a bleiwt et, eng lieweg, entwécklungsfredeg Demokratiséierung an der Hémerzéiung ze fördern an erbeizeféieren, matenen zesummenzeschaffen, gemeinsam Interessen gemeinsam ze verrieden an fir d'Verteidigung vun de Rechter vum Kand mat allem Nodrock anzetrieden.

Nëmmen esou kënnen optimal Entwécklungsméiglechketen a Motivatiounen erfirgeruff gin an nëmmen esou kann eng aktiv Participatioun un der Erziehungsarbecht op dem partnerschaftleche Plag erhale bleiwen.

Mir wëssen all, wéi stark den Impakt vun allen ANCE-Initiativen op d'Hemerzéiung wor a wat fir eng grouss Wäertschätzung si an der Fachöffentlechket genéisst.

Dat alles soll och en Engagement fir d'Zukunft sin, en Engagement dat sech un de Wieder vum Maxim Gorki orientéieren soll: "Il faut toujours attendre le meilleur de l'homme, en attendre le pire, c'est le pire."

Zum Schluss vun dësen kurzen Iwerléungen wëll ech ower nach dem Präsidant vun der ANCE a sengen Matarbechter meng härelechst Gléckwësch a mein Respekt fir hiren onermiddlechen, generéisen Asatz an hir groussarteg Realisatiounen ausdrécken. Ech wënschen hinnen an all dénen, déi am Dengscht vun deser nobler Cause schaffen, déi Erfolleg déi si verdengen.